



P1-4

形體神遊八極與太虛為徒
而後之人盛宮觀以居之飾
禮樂以崇之玄之神豈在是
哉我

成祖應天靖難奮迹燕都相傳
玄聖現靈披髮仗劍應之竊

以

成祖具天授之資開萬年之業
兵興於北故北方之神應焉
若以為玄聖之神或非矣世
之儒者未暇辯晰其義而一
時從龍之士亦緣此以見天

命有在非人所能為耳嗟夫
百姓日用而不知達人遺迹
以觀理至哉玄乎信窅然難
言哉故曰道不可聞聞而非
也道不可言言而非也然則
是志也其附贅縣疣耳矣夫

大岳太和志
古之真人形若槁骸心若死
灰凝神於淡合氣於漠翛然
而往翛然而來處廣莫之野
以周流於無何有之鄉而已
矣此至德之隆也吾人勞形
怵心以危其真弊弊焉決性

命而號養貴富其分於道遠矣
而安可從事於玄耶余將解
纒索釋網罟他日杖策負笈
以偃仰茲山之側或有以玄
之道告我者茲為敘其事於
志端以俟好玄之士相與求

大道於斯志之外云

皇明隆慶六年夏都察院右僉
都御史奉

勅提督撫治鄖陽等處地方吳
郡凌雲翼撰

大岳太和山誌目錄

卷之一

玄岳總圖

宮觀分圖




卷之二

玄帝聖紀

歷代御製

卷之三

創建宮觀



重修宮觀

欽降像器

蠲免征差

勅護山場

存留香錢

提督藩臣內臣

卷之四

上供仙品

禎祥効應

靈產物類

仙真異蹟

職官姓名

提點附

卷之五

藝文 序 贊 銘 記 表


卷之六

賦 歌

卷之七

詩一

右大岳總圖按一統誌大岳在均州南一百
 二十里州為禹貢豫雍二州之域春秋屬
 麋戰國屬韓及楚秦漢為武當縣屬南陽
 郡三國魏屬南鄉郡晉屬順陽郡後魏置
 武當郡南齊置始平郡後改齊興郡梁兼
 置興州後周改曰豐州隋廢郡改州曰均
 州大業初州廢以縣屬淅陽郡唐復置均
 州天寶初改武當郡乾元初復為均州宋
 置武當軍元復為均州大岳週圍方八百



里環列七十二峯三十六巖二十四澗或謂非玄武不足以當之故名武當又名太和名大岳名仙室相傳爲

玄帝修真顯化之地自漢以來歷代崇奉

國朝永樂十年

成祖文皇帝起自燕邸入正大統惟

神陰翊顯有靈異特

勅隆平侯張信駙馬都尉沐昕等創建宮觀以

答

神賦

勅爲大嶽太和山據天柱峯絕頂爲太和清微

宮朝天宮黑虎廟隸焉太和下二十里值

山腹爲南巖太玄觀烏鴉廟柳梅祠雷神

洞滴水巖仙侶巖隸焉南巖東北行五里

爲紫霄福地殿復真觀龍泉觀威烈觀隸

焉北行三十里爲五龍隸之者行宮仁威

觀老姥祠自然庵隱仙巖靈應巖凌虛巖

也紫霄東行四十里下平地爲玉虛隸之

者關王廟太上巖玉虛巖回龍觀八仙觀也玉虛之東五里爲遇真元和觀修真觀隸之又北十五里爲迎恩續創無所隸又北四十里爲淨樂入均城中以山之高下言先太和次南巖以宮之大小言先玉虛次淨樂棟宇之盛蓋曠古所未有也

世宗肅皇帝法

祖敬

天以

神安鎮華夷屢感玄應垂拱之暇遂懷飭蠶嘉靖三十一年特

頒內帑

勅遣工部侍郎陸杰等重加修葺神宮仙館煥然維新仍於入山初道曷建石坊

賜額治世玄岳益有以擴

先朝之志而壯茲山之觀於萬斯年殆與天而無極云

右太和宮圖宮在天柱峯峯之極頂則是宮之正殿也元時有銅殿一

成祖文皇帝創修之日以規制弗稱乃撤置於

小蓮峯改冶銅殿飭以黃金復範玄帝金


像於內殿左右益以飛棧爲更衣二小室

殿外爲臺臺外爲檻檻外爲紫金城城闕

東西南北天門以象天闕儼然上界五城

十二樓也自南天門出右折爲朝聖殿爲

鍾鼓樓又下爲元君殿爲聖父母殿爲誦



經堂爲真官堂爲神厨爲龍池爲龍廟又
下西折爲方丈爲廊廡爲齋堂道房復自
故道折而北上爲朝聖門既度復東折而
下數十百級遶出天柱峯後爲三天門又
下數十百級爲二天門爲摘星橋橋右新
建文昌祠復折而西下數十級爲一天門
爲楹大小總五百二十永樂十四年落成
賜大岳太和爲額道士廩食者三十人提點二
員嘉靖二十六年

世宗肅皇帝允提督太監王佐奏添置一員共
三員階正六品給印一顆領宮二廟一祠

一

清微宮 去本宮七里即清微妙化巖也張守清

張三丰修煉之所永樂十年建爲宮迤

西偏別築妙化巖

朝天宮 去本宮東六里一天門下

黑虎廟 去本宮三十里九渡澗之上傳云昔玄

帝修道之時常有黑虎巡山乃北方天

一之所化護國鎮山之神也廟設黑虎神像

文昌祠

在本宮二天門摘星橋右隆慶五年巡撫都御史汪道昆建期以昌均州之文運也有碑記入藝文

天柱峯

一名參嶺是峯根插黃泉頂冲霄漢高出群峯萬丈居七十二峯之中上應三天當翼軫之次俯眺豫雍之野山川之遠無不在目晨夕見日月之升降頂東

西九丈南北二丈四維皆石脊如金銀之色地產異草細葉延蔓秋冬弗凋其味頗辛惟松數株盤桓如龍蛇之狀高不滿丈許南峭壁下有池如井名曰天池北下石門三所曰三天門皆棹空萬仞昔玄帝冲昇於此

顯定峯

在大頂之北一名副頂上應顯定極風天翠巘倚空人跡不及

獅子峯

在大頂之北一天門之上狀如獅子即

尹喜所棲之處

皇崖峯 在大頂之北上應太安皇崖天下一崖

曰皇后巖昔聖母善勝太后尋真暫憩於此故名

小筆峯 在大頂東孤峯卓立如筆

雷石峯 在大頂西北上有石土地踞虎而坐

貪狼峯 巨門峯 祿存峯 文曲峯

廉真峯 武曲峯 破軍峯

右七峯在大頂之北若北斗拱極之象

傳云天真校善之所南有常春巖向明高殿常如陽春西有硃砂巖石為日華所爍其色如之北有北斗巖夜漏清寂惟聞鳥猿嘯月之聲

中笏峯 在大頂之北石如圭瓚鞠恭類進趨之勢

千丈峯 在大頂之西群山之下超然獨出右即神仙房陵宋仲所居中有縹李世所希有名仙李

萬丈峯 在大頂東北

大蓮峯 小蓮峯

右二峯在大頂之西相望並秀亭亭然如芙蓉初發隱映清波春夏之時明媚尤絕

大筆峯 小筆峯

右二峯相峙於蓮峯之間狀如卓筆落帽峯 在中筆峯北漢神仙戴孟于此飛昇落帽于上下有石橋

白雲峯 在大頂之西紫蓋皇崖東西互拱下有

巖曰白雲傍一石穴如星曰星牖宋陳希夷避名三遷於此

仙人峯 隱士峯

右二峯在大頂之南下即隱士巖神仙出沒人多見之或擿衣披髮或奇形異相手足爪甲各長五七寸或坐盤石或濯澗瀆真氣逼人莫可近及恍惚之間俱失所在

大明峯

在大頂之西山有庵曰王母宮相傳聖母善勝太后嘗尋訪玄帝于此

中鼻峯

聚雲峯

手扒峯

竹篠峯

槎牙峯

右五峯在大頂之東南一嶺南飛五峯

分布有徑曰主簿啞當均房往來之道

石芒峭發人皆側足而行聚雲峰下一

巖曰集雲

竈門峯

在大頂之東南嵐烟瘴霧清晨如炊

九卿峯

在大頂之南傳云天真校福之所下有巖亦以是名昔有道流宿巖畔夜聞鍾磬之聲

伏魔峯

在大頂之南下即大小鬼峪間常見靈龜巨蛇遊走上下傳云玄帝伏魔俟命之地

玉筍峯

在大頂之南群峯裂地而出有新篁未籜之象以其似人又呼曰石人山其北名雞冠嶺南澗之外即房縣界有碧峯

巖

柱笏峯

大夷峯

右二峯在大頂之西南一峯如摺笏一峯坦然如掌

把針峯

在大頂之西岑小而高傳云玄帝頓悟之後元君飛鐵杵於此

丹竈峯

在大頂之西其山類偃月狀昏曉之交有清烟紫霧如丹竈然

天馬峯

在大頂之西百里一名馬嘶山一名西

望峯即武當來山按圖記山自乾兌發

源歷關隴金房之地盤亘萬里當均房

官道中有龍井深不可測從西澗發源

迤西下一巖名曰天馬巖行旅多宿於

內俗呼崖屋

鷄鳴峯

鷄籠峯

右二峯在大頂之西天馬峯之北當均

房官道曰大鷄鳴小鷄鳴下即金鷄澗

會西澗之水夏秋水漲商旅經月不可

風巖

渡諺曰上得馬嘶山四十九渡不曾乾
在大頂之下萬虎澗濱石穴噫氣響震
林壑

皇后巖

見皇后峯下

白雲巖

見白雲峯下

三公巖

見三公山下

天馬巖

見天馬峯下

常春巖

見七星峯下

集雲巖

見聚雲峯下

北斗巖

見七星峯下

昇真巖

見五老峯下

碧峯巖

見玉筍峯下

九卿巖

見九卿峯下

武當澗

在大頂之東會黃崖諸峯之水北入于

紫霄澗

西澗

發源馬嘶山龍井北出于澗

金雞澗

會大小雞鳴峯之水入于西澗

鬼谷澗

在大頂之南源會山南諸峯之水東入

雙溪澗

雙溪澗 會東南諸水入鬼谷澗過浪河西北入于漢

參斗泉

在大頂西雷石峯南石巖下有二井上應參星

試劍石

在大頂二天門內一石中分相傳玄帝試劍處

金星石

銀星石

石二石出大頂上碎為末心仰不寧服

之即愈

青崖

在太和山北

瓊臺

在大頂東南其峯壁立亞于天柱相傳玄帝受冊於此

天池

即白龍池大頂南削壁下


摘星橋

又名會仙一天門上橋當兩山缺處上瞰天柱諸峯下臨絕谷谷中仰見人行如在天上

白雲橋

在白雲巖南

右南巖宮圖宮即天一真慶宮故址南列天
 柱諸峯北瞰五龍頂由榔梅祠右行南巖
 百餘步度北崖升自南天門循山左支行
 數十步折行右支百步復折而左入小天
 門並崖斗折而行過大巖下爲大殿畢諸
 楹山復起突爲小阜爲圓光殿殿下則黑
 虎巖也從大殿後左折而東二十步折而
 陟崖上方轉西行過元君殿爲南薰亭亭
 外有石枰從衡十八道類今俗所彈者相



傳爲洞賓故物復從元君殿折而下自是
直東過磚室一曰獨陽巖石室一曰紫霄
巖巖前刻龍頭橫出檻外四五尺其傍崛
起灌莽中者爲禮斗臺崖上片石刻靈官
像高可五寸許亂置小竅中不能悉其數
曰五百云又東爲風月雙清亭亭外一石
枰一復從故道抵大殿後西望捨身崖若
垂天之翼其上爲飛昇臺臺下爲試心石
又下爲謝天地巖殿並山爲楮室一神厨

一碑亭二泉二曰耳泉甘露池二曰太一
天一殿之前偏右爲方丈從方丈左折行
堂後其上分爲二道左爲五師殿右穿道
院中爲園堂浴堂滄水庫池池上有小間
道可通鉢堂由鉢堂陟翠微折行山之後
則爲歛火巖又轉而前平行山上北折則
爲崇福巖爲楹大小總六百四十永樂十
一年落成

賜大聖南巖爲額道士廩食者五十人提點二

員嘉靖二十六年

世宗肅皇帝允提督太監王佐奏添置一員共
三員階正六品給印一顆領觀一廟一祠
一洞一巖二

太玄觀

去本宮東北二十里古老君巖山門庵
也內設太上像

烏鴉廟

去本宮東北二里南天門之下傳云玄
帝修道之時有烏鴉報曉於此故建廟
以祀之

柳梅祠

去本宮南一里玄帝嘗折梅枝寄柳樹
誓之曰道成當結實已而如其言下有
仙翁司之遂祠焉

雷神洞

一名歛火巖去本宮百步北山之巔石
如火焰樹如龍爪中有靈池水能療疾
即鄧天君修煉之處

滴水巖

去本宮西北五里巖內鑿石爲池泉水
下滴不輟

仙侶巖

去本宮西北六里相傳玄帝道成時諸

仙胥會於此

壘字峯 在五龍頂南三山次列如壘字故名

金鼎峯 在壘字峯西形類鼎時噴雲烟下有巖

名曰藏雲

健人峯 在大頂東北如天丁拱立之狀下有巖

曰道者巖

紫霄巖 一名南巖在大頂之北

獨陽巖 在紫霄巖右

崇福巖 在本宮南天門裏

黑虎巖 在黑虎澗上大林巨石中黑虎所伏之

地

謝天地巖 在南巖西飛昇臺下

百花泉 在仙侶巖昔神仙陶幼安得道於此

井泉 在本宮又名一泓泉

試心石 在南巖西飛昇臺下謝天地巖上

飛昇臺 即更衣臺在本宮西百步玄帝易服於

此

禮斗臺 在紫霄巖下

九
卷一
甘露井 在本宮大殿前

梯雲橋 在御梅祠上

步雲橋 在飛昇臺

天一橋 在本宮北天門外

天一池 太一池 滄水庫池

右三池俱在本宮內

